


Confirmationale

© **Laudate Dominum**



Liturgical Editions

*De Sacramento Confirmationis

RITUS servandus a simplici sacerdote Sacramentimi Confirmationis conferente, juxta *Rituale Romanum* Ssmi D. N. Pii Papæ XI ad normam Codicis juris canonici accommodatum.

Cum tempus advenerit, quo Sacerdos, utens facultate sibi a; Apostolica Sede. ut supra, tributa, administrare Confirmationem intendit, superpelliceo et stola, vel etiam pluviali albi coloris indutus, stans ante Altare versus ad populum hinc inde dispositum (masculis a dexteris, feminis vero a sinistris), circumstantes admoneat, quod nullus alius. nisi Episcopus, Confirmationis ordinarius Minister est; se vero collaturum esse illam jure per S. Sedem delegate.

Mox, si hujusmodi delegatio per indultum facta fuerit, delegationis Decretum lingua vernacula legatur alta et intelligibile voce; deinde Sacerdos moneat astantes, quod nullus confirmatus discedat, nisi benedictione accepta, quam ipse post omnium Confirmationem dabit. Item, quod infantes, si quos in prima et ætate justa de causa (Juxta superius dicta I, n. 3) confirmandos ex existimaverit, per patrilios teneantur in brachiis dexteris, et quod adulti ponant pedem suum super pedem dexterum patrini sui; vel patrillus ponat manum suam dexteram super humerum dexterum confirmandi, sive infantis sive adulti.

Hac altera monitione completa, pariter stans versa facie ad confirmandos, junctis ante pectus manibus, confirmandis vero genua flectentibus et manus ante pectus junctas tenentibus, dicit:

∇. Spíritus Sanctus supervéniat in te et virtus Altíssimi custódiat te a peccáti. ℞. Amen.

Deinde signans se a fronte ad pectus signo crucis, dicit:

∇. Adjutórium nostrum in nómine Dómini.

℞. Qui fecit cælum et terram.

* Appendix ad *Rituale Romanum*. Sive collectio aliarum benedictionem et instructionum.

DE CONFIRMATIONE

℣. Dómine, exáudi oratióem meam.

℟. Et clamor meus ad te veniat.

℣. Dóminus vobíscum.

℟. Et cum spírítu tuo.

Tunc extensis versus confirmandos manibus, dicit:

Orémus.

Oratio

OMNÍPOTENS sempitérne Deus, qui regeneráre dignátus es hos fámulos tuos ex aqua, et Spírítu Sancto, quique dedísti eis remissionem ómnium peccatórum: emítte in eos septifórmem Spírítum tuum Sanctum Paráclítum de cælis. ℟. Amen.

Spírítum sapiéntiæ et intelléctus. ℟. Amen.

Spírítum consílii et fortitúdinis. ℟. Amen.

Spírítum sciéntiæ et pietátis. ℟. Amen.

Adimple eos Spírítu timóris tui, et consígna eos signo Cru ✠ cis Christi, in vitam propitiátus ætérmam. Per eúmdem Dóminum nostrum Jesum Christum, Fílium tuum: Qui tecum vivit et regnat in unitáte ejúsdem Spírítus Sancti Deus, per ómnia Sæcula sæculórum. ℟ Amen.

Postea Sacerdos confirmat illos per ordinem, genuflexos, primo mares, secundo feminas. Uno ordine confirmato, illi surgunt, et alii genuflectunt, et confirmantur, et sic usque in finem. Inquirit autem singillatim de nomine cujuslibet confirmandi, sibi per patrinum vel matrmam flexis genibus præsentati, et summitate pollicis dexteræ manus Chrismate intincta, confirmat eum dicens:

N. Signo te signum Cru ✠ cis quod dum dicit. imposita manu dextera super caput confirmandi, producit pollice signum crucis in fronte illius, deinde *prosequitur*: et confirmo te Chrismáte salutis. In nómine Pa ✠ tris, et Fí ✠ lii, et Spírítus ✠ Sancti. ℟ Amen.

DE CONFIRMATIONE

Et leviter eum in maxilla cadit, dicens:

Pax tecum.

Ligantur mox vittis lineis recenter confirmatorum frontes. Quod sicubi hujusmodi vittæ non adhibeantur, Sacerdos, postquam frontes confirmandorum linierit sacro Chrismate, eas gossypio, postea comburendo, diligenter abstergat: Omnibus confirmatis, Sacerdos tergit cum mica panis, et levat pollicem et manus super pelvim; deinde aqua lotionis cum pane fundatur in piscinam sacrarii, in qua reponi debent etiam supradictorum gossypiorum cineres.

Interim dum lavat manus, si adsint ministri, cantatur, vel legitur ab iis sequens Antiphona; alias post lotionem ab ipso Sacerdote dicitur:

CONFÍRMA hoc, Deus, quod operátus es in nobis, a templo sancto tuo, quod est in Jerúsalem, ✠ Glória Patri, et Fílio, et Spíritui Sancto: Sicut erat in princípio, et nunc, et semper, et in sácula sæculórum.

Amen. *Et repetitur Antiphona:* Confírma hoc, etc.

Qua repetita, Sacerdos stans versus ad Altare, junctis ante pectus manibus dicit:

✠. Osténde nobis, Dómine, misericórdiam tuam.

✠. Et salutáre tuum da nobis.

✠. Dómine, exáudi oratióem meam.

✠. Et clamor meus ad te véniat.

✠. Dóminus vobíscum.

✠. Et cum spíritu tuo.

Junctis vero adhuc ante pectus manibus, et omnibus confirmatis devote genua flectentibus, dicit:

Orémus.

Oratio

DEUS, qui Apóstolis tuis Sanctum dedísti Spíritum, et per eos eorúmque successóres céteris fidélibus tradéndum esse voluísti: respíce

DE CONFIRMATIONE

propítius ad humilitátis nostæ famulátum, et præsta; ut ejus cor, cujus frontem sacro Chrísmate delinívimus, et signo sanctæ Crucis signávimus, idem Spíritus Sanctus in eo supervéniens, templum glóriæ suæ dignánte inhabitándo perficiat: Qui cum Patre, et eódem Spíritu Sancto vivis et regnas Deus, in sæcula sæculórum. *R̄x*. Amen.

Deinde dicit: Ecce sic benedicétur omnis homo, qui timet Dóminum. *Et vertens se ad confirmatos ac faciens super eos signum crucis, dicit:*

BENE ✠ DÍCAT te Dóminus ex Sion, ut vídeas bona Jerúsalem ómnibus diébus vitæ tuæ, et hábeas vitam ætérrnam. *R̄x* . Amen.

Absoluta hoc modo Confirmatione, Sacerdos sedens paternos et maternos monet, quod instruant filios suos bonis moribus, ut fugiant mala, et faciant bona: et doceant eos Credo in Deum, et Pater noster, et Ave María, quoniam ad hoc sunt obligati

Hoc Sacramentum potest conferri minus solemniter, et præsertim tunc, cum in privatis domibus. vel extra ecclesiam seu oratorium, pueris ægrotantibus conferendum est, vel etiam adultis, qui ad ecclesiam quacumque ex causa, legitima tamen, accedere nequeunt. In iis casibus Sacerdos ne omittat uti saltem stola, si superpelliceum habere non possit, Cavere etiam debet, ne coram hæreticis, aut schismaticis, et multo minus eis ministrantibus, confirmet.

IF YOU PURCHASED THIS
Confirmationale
FROM EBAY OR DOWNLOADED IT FROM
ANOTHER SITE
YOU COULD HAVE OBTAINED IT FOR FREE
and FROM ITS ORIGINAL COMPOSITER
AT:

Laudate Dominum
Traditional Rites and Prayers
of
Holy Mother Church

<http://laudatedominum.net/index.html>

THIS BOOKLET IS DOWNLOADED ON THE UNDERSTANDING THAT IT WILL NOT BE ALTERED OR REPUBLISHED IN ANY WAY OR SOLD BY ANY MEANS OR MEDIA FORM. IT IS TO BE PASSED ON FREE OF CHARGE IN ITS ORIGINAL FORMAT TO TRADITIONAL ROMAN CATHOLIC PRIESTS FOR THE PERFORMANCE OF THEIR DUTIES.

THIS RITUAL IS NOT SUITABLE FOR THOSE WHO FOLLOW THE TEACHINGS OF VATICAN COUNCIL II. IT CONTAINS THE RITES FROM THE *RITUALE ROMANUM* OF 1925 AND OTHER RITE BOOKS PERTAINING TO THE PRACTISE OF THE TRADITIONAL ROMAN CATHOLIC FAITH.